

I GURE AITA

1

Hau da nire sinismena
hau da nire zoramena!
Zeru ta lurren Egile Jaunak
AITA dauala izena!
Jesusek dino AITA zarala
eta Aitarik Aitena.

2

Zugan dogu hasiera
eta Zugan amaiera,
Mundu honetan badoguz, Aita,
makina bat gorabehera,
lagun eiguzu bizi gaitezan
beti zure esanera.

3

Jesusek esana baita
Zu zarala gure Aita.
Bizitzan dana geure onean
dator Zeuk holantxe nahita;
honetan beti ziur gagoz gu
gaituzulako hain maita.

4

Aitaren Urtea aurten
nok ondo ospatu leiken!
Espiritua, lagun eiguzu
ABBA-AITATXO esaten,
eta Jesusen jarrera hartzen:
“Aitaxo, hona ni hemen”.